



ՆԱՅԱՍՏԱՆԻ ՆԱԼԻԱՊԵՏՈՒԹՅԱՆ ՍԱՆՄԱՆԱԳՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ
Ո Ր Ո Շ ՈՒ Մ Ը

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱԲՅԻ ՎԵՐԱԲԵՐՅԱԼ

Քաղ. Երևան

8 հունիսի 2010թ.

Նայաստանի Նանրապետության սահմանադրական դատարանի
թիվ 1 դատական կազմը

Նախագահությամբ՝ Կ. Բալայանի
Անդամակցությամբ՝ Վ.Նովիաննիսյանի
Վ. Պողոսյանի

Քննության առնելով Կարապետ Նաջիյանի դիմումի ընդունելիության հարցը,

ՊԱՐԶԵՅ.

1. Կարապետ Նաջիյանը 21.05.2010թ. դիմել է ՆՏ սահմանադրական դատարան՝ վիճարկելով ՆՏ քաղաքացիական դատավարության օրենսգրքի 16-րդ գլխով սահմանված դրույթների սահմանադրականությունը:

Դիմողը ՆՏ սահմանադրական դատարան ներկայացրած դիմումում խնդրել է ՆՏ քաղաքացիական դատավարության օրենսգրքի 16-րդ գլուխը ճանաչել ՆՏ Սահմանադրության 18 և 19-րդ հոդվածներին հակասող և անվավեր:

2. Վիճարկվող դրույթների հակասահմանադրականության վերաբերյալ դիմողը ներկայացրել է հետևյալ հիմնավորումները.

դիմողի կարծիքով՝ ՆՏ քաղաքացիական դատավարության օրենսգրքի 16-րդ գլխի և ՆՏ Սահմանադրության 18 և 19-րդ հոդվածների միջև հակասությունը դրսևորվում է նրանում, որ վերը նշված գլխում անձին հնարավորություն չի ընձեռվում բողոքարկել գործի վարույթը վերսկսելու մասին առաջին աստիճանի դատարանի դատական ակտը, որի հետևանքով խախտվում է անձի իրավունքների վերականգնման հնարավորությունը:

Դիմողը գտնում է, որ «եթե հնարավոր է բողոքարկել գործի վարույթը կասեցնելու մասին դատական ակտը, ապա նույն փրամաբանությամբ ինչու հնարավոր չէ բողոքարկել գործի վարույթի կասեցումը վերսկսելու մասին դատական ակտը»:

Ըստ դիմողի՝ ՆՏ քաղաքացիական դատավարության օրենսգրքի 16-րդ գլխում օրենսդիրը դրույթ չի նախատեսել առ այն, որ անձը կարողանա վերաքննության կարգով բողոքարկել գործի վարույթը վերսկսելու մասին ստորադաս դատարանի դատական ակտը, այսինքն՝ օրենքի նշված բացը խոչընդոտում է դատական պաշտպանության իրավունքի իրականացման ապահովմանը, հետևաբար՝ «վիճարկվող գլուխը պարունակում է ստորադաս դատարանի դատական ակտի՝ գործի վարույթի կասեցումը վերսկսելու մասին որոշման վերաքննության կարգով բողոք ներկայացնելու սահմանափակում»:

3. ՆՏ քաղաքացիական դատավարության օրենսգրքի «Գործի վարույթի կասեցումը» վերաբառությամբ 16-րդ գլուխը բաղկացած է 105, 106, 107 եւ 108-րդ հոդվածներից: Ընդ որում, վերոնշյալ առաջին երեք հոդվածները, այն է՝ 105, 106 եւ 107-րդ, կարգավորում են համապատասխանաբար գործի վարույթը կասեցնելու՝ դատարանի պարտականության, գործի վարույթը կասեցնելու՝ դատարանի իրավունքի եւ գործի վարույթը վերսկսելու հետ կապված իրավահարաբերությունները: Ինչ վերաբերում է 108-րդ հոդվածին, ապա այն կանոնակարգում է գործի վարույթը կասեցնելու եւ վերսկսելու կարգին առնչվող իրավահարաբերությունները: Ընդ որում, վերջինիս երկրորդ մասն է հենց ամրագրում գործի վարույթը կասեցնելու մասին առաջին արյանի դատարանի որոշման բողոքարկման հնարավորությունը:

«Սահմանադրական դատարանի մասին» ՆՏ օրենքի 69-րդ հոդվածի 4-րդ մասն ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմողին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը պետք է հիմնավորված լինի օրենքի 68-րդ հոդվածի 7-րդ մասում նշված որևէ հարկանիշով: Դիմողին ներկայացվող այս պահանջը նշանակում է, որ դիմողը պետք է փորձի բավարար կերպով հիմնավորել, թե իր որ սահմանադրական իրավունքներն են խախտվել եւ ինչ անմիջական պարճառահետեւանքային կապ է առկա վիճարկվող դրույթի եւ իր իրավունքների խախտման փաստի միջեւ: Ինչպես վկայում է դիմումի ուսումնասիրությունը՝ դիմողն իրավաբանորեն չի հիմնավորել, թե իր որ սահմանադրական իրավունքներն են խախտվել խնդրո առարկա գլխի 105, 106, 107-րդ հոդվածներով, ինչպես նաեւ ներկայացված չէ անմիջական պարճառահետեւանքային կապը վերոնշյալ դրույթների եւ դիմողի իրավունքների ենթադրյալ խախտման փաստի միջեւ: Սահմանադրական դատարանն իր ՍԴՈ-839 որոշմամբ դիրքորոշում է հայտնել, որ եթե դիմողը չի հիմնավորում վիճարկվող դրույթի եւ իր իրավունքների ենթադրյալ խախտման

փաստի միջև պարճառահերելանքային կապը, ապա փվյալ դեպքում դիմումն ակնհայտ անհիմն է:

Ինչ վերաբերում է ՆՆ քաղաքացիական դատավարության օրենսգրքի 16-րդ գլխի 108-րդ հոդվածին, ապա դիմումի ուսումնասիրությունը վկայում է, որ՝

- դիմումում առաջադրված հարցերը ենթակա են սահմանադրական դատարանին,
- դիմողն իրավասու է դիմել սահմանադրական դատարան,
- դիմումում առաջադրված հարցի վերաբերյալ առկա չէ սահմանադրական դատարանի որոշում,
- դիմումի առարկայի վերաբերյալ այլ դիմումի հիման վրա սահմանադրական դատարանում գործի դատաքննություն չի իրականացվում,
- դիմողը սպառել է դատական պաշտպանության բոլոր միջոցները:

Ելնելով դիմումի եւ կից փաստաթղթերի ուսումնասիրությունից եւ ղեկավարվելով «Սահմանադրական դատարանի մասին» ՆՆ օրենքի 31, 32 եւ 69-րդ հոդվածների պահանջներով՝ ՆՆ սահմանադրական դատարանի թիվ 1 դատական կազմը

ՈՐՈՇԵՑ.

1. Կարապետ Նաջիյանի անհատական դիմումով գործի քննությունը՝ ՆՆ քաղաքացիական դատավարության օրենսգրքի 16-րդ գլխի 105, 106 եւ 107-րդ հոդվածների սահմանադրականությունը վիճարկելու մասով մերժել:

2. Կարապետ Նաջիյանի անհատական դիմումով գործը ՆՆ քաղաքացիական դատավարության օրենսգրքի 16-րդ գլխի 108-րդ հոդվածի սահմանադրականությունը վիճարկելու մասով ընդունել քննության եւ որպես պարասխանող ներգրավել ՆՆ Ազգային ժողովին:

Նախագահող

Անդամներ



8 հունիսի 2010 թվականի
ՄԴԴԿՈ/1-15